

### ՍԱՐԳԻՍ ԹՈՄՈՃԵԱՆ

Սարգիս Թոմոճեան ծնած է Հալէպ, 1955 Սեպտեմբեր 20ին: Երկու երէց քոյրերէն՝ Մարիէն եւ Վարդուհիէն ետք, կրտսեր գաւակն է Տէր եւ Տիկ. Անդրանիկ եւ Էլմաստ Թոմոճեաններու:



Իր նախակրթական ուսումը կը ստանայ Հալէպի Հայ Աւետարանական ֆէթէլ դպրոցին մէջ:

Կեանքի պայմանները կը ստիպեն, որ պատանի տարիքին ան նետուի կեանքի ասպարէզ: Բայց ուսման պապակը Սարգիսի մէջ, կը մղէ զինք կատարելագործելու մեքենագործի արհեստը եւ կը դառնայ վկայեալ մասնագէտ ինքնաշարժի նորոգութեան:

Լեցուն խանդով ու եռանդով, դեռ մանկութեան շրջանին, կը դառնայ «Գայլիկ» Հալէպի գերմանիկ-վասպուրական Միութեան եւ յետագային որպէս սկաւտ կը վարէ պատասխանատու պաշտօններ:

Միեւնոցն ատեն իր եռուն մասնակցութիւնը կը բերէ նոյնպէս վասպուրականի ֆութպոլի խումբին: Որպէս աչքաւոր մարզիկ մաս կազմելով Հալէպի Երիտասարդական ֆութպոլի հաւաքականին, կը մասնակցի 1977ին Պուլկարիոյ եւ այլ երկիրներու Երիտասարդական ֆութպոլի մրցումներուն:

1979ին Սարգիս կու գայ Միացեալ Նահանգներ Փասատինայի մէջ կը միանայ իր ծնողքին եւ քրոջ Վարդուհիին:

Փասատինայի մէջ ընկերովի կը հաստատէ «KNS Mobil Gas Station»ը եւ կը վարէ գայն շուրջ 20 տարի: Ապա կը հիմնէ ինքնաշարժի նորոգութեան իր սեփական հաստատութիւնը:

Հոգեկան մեծ բաւարարութեամբ Սարգիս Փասատինայի մէջ կը գտնէ իր երկու հարազատ ընկերները՝ Գայլուտ Տէրտէրեանն ու Կարօ Գրիգորեանը: Գօտեպնդուելով անոնց հետ, մաս կը կազմէ Հ.Մ.Մ.ի վարչութեան եւ որպէս սկաւտապետ կը ծառայէ սկաւտական շարժումին:

1980ին Սարգիս Թոմոճեան, կատարելով իր գաղափարական ուխտը, կ'անդամակցի Սոցիալ Դեմոկրատ Հնչակեան Կուսակցութեան:

Որպէս «Փարամագ» մասնաճիւղի վարչական, իր մարզական գործունէութեան աւելցնելով կը կատարէ նաեւ իր կուսակցական պարտաւորութիւնները:

1984ին կ'ամուսնանայ Ազնիւ Չորպաճեանի հետ: Կը բախտաւորուին երկու գաւակներով՝ Գոհար եւ Էնթրոնի:

Սարգիս Թոմոճեան իր կեանքի ամբողջ տեւողութեան մնաց պատանէշի վրայ պարտականութեան գիտակից թէ իր գաղափարին եւ թէ իր ընտանիքին: Նոյն ձեւով ալ գործի վրայ, իր գաւակները դպրոց տարած միջոցին, անակնկալօրէն փակեց իր աչքերը սրտի կաթուածի հետեւանքով:

Հանգուցեալ Սարգիս Թոմոճեան թէ որպէս ամուսին եւ թէ որպէս հայր, մարմնացումն էր սիրոյ, գուրգուրանքի եւ հոգատարութեան: Ան իր բարի գգացումները կը բաշխէր նաեւ իր բոլոր հարազատներուն եւ շրջապատին: Համեստ էր, ծառայատէր եւ հայրենասէր: Առիթ չէր փախցնել իր օգնութեան ձեռքը երկարելու իր գաղափարի ընկերներուն, իր կուսակցութեան Մ.Դ.Հ.Կ.ին եւ Հայ Մարմնամարզական Միութեան:

Սարգիս Թոմոճեան յաւէտ պիտի ապրի իր հարազատներուն եւ գաղափարի ընկերներուն յիշողութեան մէջ՝ իր բարի ժպիտով, անհուն սիրով եւ ծառայասիրութեամբ:

Հանգիստ իր աճիւններուն:

### «ԵՅԻ ԿԵՂԾԻՔՆԵՐ ԼԻՆԵՆ, ԵՍ ԼԻՆԵԼՈՒ ԵՍ ՊԱՅՔԱՐԻ ԱՌԱՋԻՆ ԴԻՐՔԵՐՈՒՄ»

Շարունակուած էջ 6-էն

Թուերը, որ մենք ստացել ենք: Կը լինեն մեծ կեղծիքներ՝ Հայաստանում կը լինեն մեծ ցնցումներ. ես դա ասում եմ պարզ, որ իւրաքանչիւրը լսի: Որպէսզի մեր երկրում չլինեն ցնցումներ, լինի նորմալ, ժողովրդավարական վիճակ, բոլորը պէտք է շահագրգռուած լինեն՝ կազմակերպելու իրօք ազատ, թափանցիկ ընտրութիւններ: Այսօր Հանրապետական կուսակցութիւնը, «Բարգաւաճ Հայաստան»-ը, Միաւորուած աշխատանքային կուսակցութիւնը եւ Դաշնակցութիւնը ունեն վարչական, ֆինանսական, էթերային արտօնութիւններ, իրենց բոլոր հնարաւորութիւնները օգտագործում են որպէս իշխանական կառուցներ, հովանաւորում են, որպէսզի կարողանան իրենց ինդիքները իրենց ուզած ձեւով լուծել: Դրան էլ ենք համաձայն՝ միայն կազմակերպէք արդար ընտրութիւններ քուէարկութեան օրը: «Օրինաց երկիր»-ը տեսաձայնագրելու է ընտրական յանձնաժողովներ շինարարութիւն կ'ունենանք, ձայնագրելու ենք ձայների հաշուուման գործընթացը: Թող ազատ, արդար ընտրութիւն լինի. կը յաղթի՞ որեւէ կուսակցութիւն՝ թող յաղթի: Առաջին յաղթողին խոստանում եմ ես շնորհաւորել, էթէ նա ազնիւ, արդար պայքարում կը

յաղթի: Դարց. - Եթէ կեղծիքներ լինեն, «Օրինաց երկիր»-ը փողոց է դուրս գալու:

Ա. Բ. - Եթէ կեղծիքներ լինեն, այդ, ես լինելու եմ պայքարի առաջին դիրքերում: Մենք պայքարելու ենք վճռական ու սկզբունքային: Բայց, նորից եմ ասում, ես պատկանում եմ այն մարդկանց թուին, որոնք չեն ուզում, որ մեր երկիրը հերթական անգամ խայտառակ լինի: Ես ասում եմ՝ եկէք կազմակերպենք ազատ, արդար, թափանցիկ ընտրութիւններ: Բայց նաեւ ասում եմ՝ բոլոր այն մարդիկ, ովքեր մտածում են, որ ընտրական յանցագործութիւն են անելու եւ մնալու են անպատիժ, չարաչար սխալում են: Մենք մինչեւ վերջ պայքարելու ենք՝ օրէնքով ընձեռուած բոլոր հնարաւորութիւններով ու միջոցներով: Այսօր գնում են զիւղերը, պարարտանիւթ են բաժանում, ալիւր են բաժանում, ընտրակաշառքներ են խոստանում, ցուցակներ են կազմում

□ Ասում են՝ փաստեր, մամուլում ասում են՝ կոնկրետ փաստեր չկան: Ուրեմն, կան իրաւական ծառայութիւններ, յատուկ ծառայութիւններ, գաղտնալսումներ անելու փոխարէն թող գնան տեսնեն՝ որտեղ ով ինչ ցուցակներ է կազմում:

Աննա Իսրայէլեան, Ռուզան Խաչատրեան եւ Արմէն Դուլեան:

### ԱՐԵՄՏԵԱՆ ԹԵՄԻ ՏՕՐԴ ԹԵՄԱԿԱՆ ՊԱՏՃԱՄԱՒՈՐԱԿԱՆ ԺՈՂՈՎ

Շարունակուած էջ 14-էն

գիրը ներկայացուց Հոգւ. Տ. Պարեո Մ. Վրդ. Երէցեան:

Սրբեկան Հօր օրհնութեան աղօթքով փակուեցաւ Արեւմտեան Թեմի 80րդ Թեմական Պատգամաւորական Ժողովը: Պատգամաւորները հոգեկան գոհունակութեամբ մեկնեցան իրենց Մուխերը:

Թեմական Խորհուրդի 2007-2008 թուականի կազմը հետեւեալն է.-

Գերշ. Տ. Յովնան Արք. Տէրտէրեան Նախագահ Առաջնորդ Արեւմտեան Թեմի

Բրշ. Պարլօ Սրկ. Տէր Մկրտիչ-

եան Ատենապետ

Իրաւաբան Յովսէփ Կանխմեան

Փոխ Ատենապետ

Պէն Գրիգորեան Գանձապահ

Լիլի Ռիւնկ Պալեան Ատենադպրուհի

ԱՆԴԱՄՆԵՐ

Հոգւ. Տ. Պարեո Մ. Վրդ.

Երէցեան

Արժ. Տ. Վարդան Աւագ Քհնյ.

Գասպարեան

Արժ. Տ. Մանուկ Աւագ Քհնյ.

Արժ. Տ. Եղիա Քհնյ. Հայրապետեան

Դոկտ. Վահրամ Պիրիճիք

Իրաւաբան Ճէֆ Հազարեան

Բրշ. Գարլ Սրկ. Պարտագեան

### ՇԱՅ ԲՈՅՐԵՐՈՒ ՎԱՐՃԱՐԱՆԻ ԱՊՐԻԼ 24-Ի ՈՂԵԿՈՉՈՒՄԸ

Շարունակուած էջ 8-էն

ներս, ուր բոլոր աշակերտները իրենց մասնակցութիւնը բերին՝ երգելով, արտասանելով Ապրիլեան նահատակներու նուիրուած բանաստեղծութիւններ, երգեր եւ շարականներ: Օրուան հանդիսավարն էր Մարի Թիւթեյեան, որ իր բացման խօսքով անգամ մը եւս ներկայացուց թուրք պետութեան կազմակերպած եւ նախաձրագրած ոճիրը եւ կոչ ուղղեց աշակերտներուն, Յ. Թումանեանի բարեփոխուած տողերով՝ «Ապրէ՛ք երեխեք եւ մեզ պէս ապրէ՛ք», ապա մանկապարտէզի աշակերտները արտասանեցին «Մեր ուխտը» եւ երգեցին «Հայ երգ» խմբերգը: Հանդիսութիւնը շարունակուեցաւ արտասանութիւններով եւ կենդանի պատկերներով, ինչպէս «Դերենիկ» (Ե. դասարան) եւ «Մառ» (Զ. դասարան): Վերջին մասով բեմ բարձրացան եօթներորդ եւ ութերորդ դասարաններու աշակերտները եւ ներկայացուցին Պարոյր Սեւակի «Անլուսի զանգակատուն»-ը, որուն զուգահեռ Կոմիտասի յորինումները կը նուագէր, դաշնակի վրայ, վարժարանիս երաժշտութեան

ուսուցչուհի Վարդուհի Պաղտասարեան, մինչ սրահը լուսութեամբ կը հարողողէր Կոմիտասի անմահ հոգիով: Ասմունքի աւարտին, աշակերտներ ճերմակ մեխակներ գետեղեցին Կոմիտասի դիմանկարին, ըսելով՝

Եւ մեզանից արդ ընդունիր Երախտիքի այս խաչքո՛ւր...

Հանդիսութեան մենեղեցին վեցերորդ դասարանէն Մէրի Նահարեան, Մարալ Պոյաճեան, Միշէլ Եարայեան եւ եօթներորդ դասարանէն՝ Անճելա Ժամկոչեան:

Ողբկոչումի աւարտին, աշակերտները հոգեկան բաւարարութեամբ եւ գոհունակութեամբ լսեցին վարժարանիս տնօրէնուհի քոյր Լուսիայի եզրափակիչ խօսքը, որ յորդորեց աշակերտներուն հաւատարիմ մնալու իրենց նախնիներու աւանդին:

Աշակերտութիւն, ծնողներ եւ հիւրեր սրահէն բաժնուեցան «Հանգընեցէք դուք...» շարականի երգեցողութեամբ, վերանորոգելով իրենց ուխտը, եւ խոստանալով հաւատարիմ մնալ իրենց անցեալին, մեր պահանջատիրութեան եւ արդար դատին, որուն ժառանգորդներն են այսօր իրենք՝ նոր սերունդը:

### ԲԱՆՏԱՒՈՐՈՒԹԻՒՆ

Տէր եւ Տիկ. Մայք եւ Նայիրի Գագանճեան բախտաւորուած են աղջիկ գաւակով մը, որ անուանած են Քայլա:

Մեր ջերմ շնորհաւորութիւնները ընտանեկան պարագաներուն, յատկապէս Տէր եւ Տիկ. Գայլուտ եւ Լենա Տէրտէրեաններուն: «Մասիս»

### ԲԱՆՏԱՒՈՐՈՒԹԻՒՆ

Տէր եւ Տիկ. Մայք եւ Նայիրի Գագանճեաններուն առջինեկ աղջիկ գաւակով մը բախտաւորուելուն ուրախ առթիւ Հ.Մ.Մ.ի վարչութիւնը եւ Հ.Մ.Մ.ի Տիկնանց Օժանդակ Մարմինը կը շնորհաւորեն նորածին ընտանեկան պարագաները, յատկապէս մեծ հօր եւ մեծ մօր՝ Տէր եւ Տիկ. Գայլուտ եւ Լենա Տէրտէրեաններուն: Այս ուրախ առթիւ \$100 կը նուիրեն «Մասիս»ին:

### ԲԱՆՏԱՒՈՐՈՒԹԻՒՆ

Տէր եւ Տիկ. Ալէն եւ Անի Սէմէրճեաններ բախտաւորուած են առջինեկ մանչ գաւակով մը, որ անուանած են Վիգէն: Այս առթիւ կը շնորհաւորեն նորածին ընտանեկան պարագաները, յատկապէս մեծ հօր եւ մեծ մօր՝ Տէր եւ Տիկ. Ընկեր Ժիրայր եւ Սիւզան Պոյաճեանները: «Մասիս»

### ՇՆՈՐԱԿԱԼՈՒԹԻՒՆ

Մի ոմն քաջալերուելով «Մասիս» շաբաթաթերթի բովանդակութենէն \$50 տոլար կը նուիրէ «Մասիս» շաբաթաթերթին: